

Damrenriegenreise 25.+26.09.2021

Z'Horge simer gstartet
Kaffi und Brötli hemmer in Magä gschwartet

Lina het sSpotify ghackt
drum händ mir euses Rätsel verkäckt

Mir händ dä Carolin fascht is Auto kotzt
diä Anderä händ zum Fänschter use glotzt

S'Tagesprogramm hämer us eme Rätsel gsuecht
dä Krimi und sTrotti sind für eus buecht

Dä Kirmi hät eus dur Burgdorf gfühert
und das schönä Stedtli hät euses Härz berüehrt

Dä Marco und dVanessa sind d'Mörder gsi
somit isch de Krimi in Burgdorf verbi.

Chum häts mit de Trottfahrt ahgfangä
isch bi öperem scho de Alarm abgange

Im Ämmital gahts uf und ab
da wird dä Akku fascht chli schlapp

Mit em Trotti dä Bärg duruf krochä
hämer dobä d'Ussicht gnosse

Euses Nachtlager hämer bezoge i dä Burg
dä Ufstrieg mit Gepäck isch gsi es Gwurg

Ändlit gitz en Aperol und es Bier
susscht wärs den scho ächli stier

Zum Spanier simmer bim Znacht gsässä
aber händ Libanesisch gässä

Äs dütsches Spieli hämer gspielt
etz wüssemer en Porno mit de Elterä isch nöd so wild

Äs Glace hämer well ha
übercho hämer Ängelshaar

Dä Wäg id Burg ufä wieder in Ahgriff gno
dobä ändli euses erwünschte Glace becho

Fascht Alli händ schlafä wellä
nur die Eint hät nochli vom Läbä wellä verzellä

Ufgstandä simer nöd zrfüeh am Morgä
und händ eus gstärcht mit eme feine Zmorge

Ä Alternative zunere Höhli hämer gsuecht
und dänn defür Kambyl buecht

Gshoppet hämer wiä die grossä Fraue
Eetz gömer hei go Guetzli verstauä

Äs cools Wuchenänd hämer dörfe erläbe
mir wend dä Francine und de Caroline dänkä vielmal sägä.

Y.+E.+S.

Lied Melodie Alpenrose von Polo Hofer:

Ämmital am ne herbsttag
Nachdem mir hend en krimispass gmacht
Denn hemer trottis dur landschaft gjaggt
Das hett vill spass gmacht und füdli tuet weh
2. mal simmer denn schloss duruf
mir chönd eu sege — das brucht viel schnuuf
das ghat rächt steil — de berg duruf
Aber jugi isch luxus pur
denn simmer nomal de berg durab -töröttötö
sind go spanisch esse — aber kei tapas - töröttötö
en orientalische choch — muss das gsie siiiii
wo couscous falafel engelshaar serviiiiieerttt

Es chlises separe das hetts voll bracht
da hemer glached gspielt viel verzellt
Furt isch furt — d'zäche prellt
Ne nei - de Wirt hett zellt
Letzt mal für hüt — das brucht no schnuuf
mit vollem buch — da chuglemer duruf
baklava isch nüt für eus -drum gits dobe es glace yeaahhh
glace glace — das isch was mir wend - töröttötö
glace glace — uf was eus brennt - töröttötö
und jetzt ghats denn - Bald is bett
und wird schnell — pennt
und am morge — gits fein z'ässe- töröttötö
d'Höhle bi rege— chasch grad vergesse - töröttötö
guetsli das isch — was mir wennd
guetlis isch de plan b
darum gömer — zude kambly töröttötö
mit viel seck hei - isch das gsie - töröttötö

M.+A.+N.